

تاریخ هجری ۱۳۳۱

نومرو ۱

تاریخ رومی ۱۳۲۹



اعتقاد لری

پازار ایرتسی کونلری نشر اولنور اسبوعی اسلام جریده سیدر .

دورلره فائدهلر وپردی . اودورلر حیات ماضی^۱ علمینک نوریله ضیالاندی .

شوکت آل عثمان ایله کوکب فیض و عرفان برابر یشادیلر چونکه : اوبقای محشم ، اوشوکت بو کوکب ضیایاشه مربوطایدی . بری انخسافه اوغرایجه دیکرینک ده آرایردن انخسافه باشلايه جنی شبهه سزایدی .

طقوز یوز تاریخنندن صکره مدرسه لر ایچون مخوف بردور ظلمت باشلار . هر عصرده کابوستی آر تبرر ، ازهر ، حیات عرفانی تضییقه ، افکاری سوندیرمکه ، استعدادی بوغغمه ، علمی امللری افنایه چالیشیر . ذاتاً کندیلر ندن چوقدن رهاکار الیر کیلیمش ، رغبتلی نظرلر چوقدن صیرلشیدی . بر مدت صکره شمس عالمی تمامیه غروب ایتیشدی . دهالر ، ذکالر سونجه بر اقدینی بوشلقلری تعذلر ، تعصبلر ، پک اشاغی سوبه لر طولدیردی .

آرتق بر امید خلاص قاله میوردی . کثافت ظلمت کیندکجه قالینلغی آرتیردی . آرد صره شعله و بر مکه باشلايان فکرلرده تعصبه ، عناد جیلغه قربان ایدلدی .

جهان عرفانی عثمانی به عارض اولمش بو آفت ساری ، بو ملعون میقروب اجتماعی ، علمی عضویتلری یهدی بیتیردی .

جناب حقه شکرلر ، رسول ذیشاننه تشکرلر اولسون که بوکون مدرسه لرده بو مسکین ، ثولو حیاته وداع ایدیلور . مدرسه لر ، مدرسه لیلرده عصر حاضرک فیضدن ، لمعه سندن نصیبی ، مقدراتی آلمغه عزم ایتدکاری ینه بوکونکی فکری قیلدا . مه لرندن اکلا شیلور .

حکمنی آلدی ، بزبو خصوصی نظر دفته آله رق اصلاح مدرسه وتنسیق تدریساته بر مجرا آحقق اوزره « مدرسه اعتقادلری » نی نشره تثبث ایلدک بوغایه به وصول ایچون لازمکلن وسائل و وسائطه عائد بالعموم ملاحظات و مطالعاته مکشوف الصحاشدر . کړک استانبول و کړک حوالی^۲ قریبه وبعیده سنده وحتی هندده وچین ده بولنان بالعموم متفکرین اسلامیه نك بیان افکار ایلهلری کال اهمیتله رجا اولنور ، غزته مزك مساعیمی یالکیز بوکا منحصر قالمایه جق بلکه اعتقادی ، عملی مسائل دینیه دن ، اخلاقیات واجتماعیات اسلامیه دن ، احکام اسلامیه نك حکمت تشریعیه سندن ، اسلامیتک صنعت و تجارت ، سعی و عمل حقنده کی اساسلرندن ، اصول مناظره به موافق اولمق و طائلی لسان ، نزیه قلمدن چیقمش بولمق شرطلریله مباحثات علمیه و فنیه دن حصه دار اوله جقدر . التوفیق من اه والسعی علی عباده .

مدرسه

مدرسه — حیات فکری

حیات عثمانیه یی تأمینه واسطه اولان الک بیوک مؤسسه لر مدرسه لر در . بو او یله بر تأسیس ایدی که عصرلرک صدماتنه متحمل اوله جق ، متین وضعیتی محافظه ایده بیله جک ظن اولندی . فقط بوظنک یقین درجه سنده اطعمئانی بر قیمتی حائز اوله مدیغنی زمان کوستردی . مدرسه ده مستقر بر حیات انجق طقوز یوز تاریخلرینه قدر پایدار اوله بیلدی . بو حیات ، حیات فیضی کندیخی تمقیب ایدن

هیچ بر مفکر ، بر عاقل طلبه یوقدر که
زمانک برلوقوموتیف سرعتیه ایلرولیان ترقیاتی
استعدادنی اکلانامش اولسون ، تقدیر ایتماش
بولسون! نه زنجی، بیقیجی قوتلر دیون اکه، اکه
بو کونکی حاله کلدکاریخی اعتراف ایدیورلر .
نه حقلی اعتراف !!

..

سقوط ماضیدن، سقوط علمیدن نسل حاضر. کنج
طلبه لر مسؤل دکلدرد. مسؤل طوتوله میه جقلری
بو کونلرده کی انتباهی حرکتلرله اثبات ایتمکده درلر.
مغلوب فکرلر ، قیرلش امللر یه پارلدامغه
باشلایور برنسیان عمیق ایجروسنه بر اقلمش موجو.
یتلر آننک ظفر و شان علم یسیله احیا ایدیلر جک
دیمک دکیدر ؟

هر قوم ، هر مات ، هر صنف و مسلک
احضای کی بونلرده کندی تاریخلری یشانه جقلر ،
ماضیلری دیرلته جکلردر .

سیای علمی بتون رونقیله، بتون کوزللیکله
یکی نسلک غیرتیه بالجه سیالر آره سنده یه کسب
تمایز ایده جکلر .

یکی نسل پک کوزل آکلایور و دیور که :
بزده سائرلری کی حقمنزی ، حق اصلاح و حیا
تمزی مدافعه ایده جکلر . اعتلامزه ، استقبالمزه
برسد سدید اوله حق قوتلری عنایت حقله رفع
ایده جکلر . چونکه « بزده انساتر ، بزده یشایه
جغز ، محیطلر مزده سربست ساعیلر ، خلوق
وجودلر یتیشدیره جکلر ، بوملته مقتدا بملک
وظیفه سنی اوزر مزده دهآ معتقدانه ، متینانه
بر صورتده ایقا و پایدار ایده جکلر ! اسلاف مزک
بزی اونوتمه لرندن آنلری تخطئه حسب الحرمة

جرات ایتمسه کده هر حالده آنلرک دوشدکیری
اوقاشش ، ظلوم خطالره انشأالله بزدوشمیه جکلر ،
هیئت اجتماعیه ملیه مزده یه اک برنجی عامل ،
اک صادق سائق اونغه موجودیت عرفانیه مزله
چالیشه جغز ، دایما چالیشه جغز ، الی هایه چالیشه جغز »

..

کور به نسل ، کنج دماغلرک قیو ایچلرندن
کلیر کی او بوغوق . اوقیصیق صدالری ساحه
استعداد علمیده مهم بر جریان ، اسکیلیکی بیقیجی
بر روزگار پیدا ایتمشدر .

هله اوصدا بر صدای وفاق اولورسه استقبال
علمی مؤمن دستکله استناد ایتمش عد و تلقی
ایدیله مز می ؟

ذوق ادبی علمی بی طامش اولان بو کونک
کنجلی استعداد طوغری آنه جقلری آدیملره
بر جهان ، یکی بر عالم وجوده کتیره بیله جکلر در
چونکه : ده احر ، دهامستقل چالیشه رق محیط
مدینسده نجم سعادتلر طوغدیغنی کورمه که سنه لر
دنبری خواهشکر ، متحسر دیلر :

مدرسه یلردن

رحمی زاده



« سبیل الرشاد » جریده سنده مندرج طلبه
مکتوبلری طولایینسیله :

طلبه علومدن بعض افندیلر مذکور جریده ده
نشر ایلدکاری مکتوبلر زده علمیه ناک اسکیسی کی
رجال یتشدیره مه مکده اولدیغنی و بوجهتله مملکت مزک
جهل ایچنده قالارق بیک دورلو مصائبه دوچار
اولمقده بولندیغنی بر لسان کریان ایله بیان